



**Ulekrael el mo er tirke el apply er a Pacific Engagement Visa (PEV):**

## Mekera dosiik ede apply el kirel a ureor er a online

Tia el ulekrael a ngosuterir a chad el apply a PEV el osiik a ureor er a chelsel a Australia, apply el kirel a ureor e mangedecheduch el obengterir a ruungerachel a ureor.

### **Teletelel dosiik a ureor**

A mesisiich el teletael a dosiik a ureor a uchul meng sebechem el kldmoki, e mesisiich a rengum, e rullii el mo klou a techellem el metik a soam el ureor. Chad el apply a kirel:

#### **Rullii a skel a ureor el uai a lureor**

Skel a ureor a sebechel mo meringel. Mnguu el mo klou a belkul, e di moba ungil uldasu, e lak bol mechtechut a rengum e moba klloulreng

#### **Mrellii a ulterkokl el ngerchelem er a bek el sils**

mkedmeklii a temem er a bek el sandei el kirel a skel a ureor

#### **Mkedmoki a ikel tekoi el soam al makedmoki**

kirel a olechotel, ke locha mo apply a 3-5 el ureor er a chelsel a tal sils, a lechub e ke mengoit a 3-4 el sikang el osiik a ureor el mo ngerchelem el moruul er a tal sils a lechub eng tal sandei

#### **Mkedmoki a record er kau er a skel a ureor**

Mluches a bek el ureor el om apply. Modak a ngklel a kombalii, title er a ureor el obla er ngii, link er a website me a sils er sera om apply. Tiang a mo ngosukau me ke melemolem el chelderodel.

### **Mo makedong er tirkel oungerachel el olsiseb er a rechad er a ureor**

Mongedecheduch er tirkel oungerachel olsiseb er a rechad er a ureor, ngara dengua a lechub eng email, a sebechel ngosukau el rullii a kmes el deleongel lobenterir. Ngkmal klou a ultutelel el mo:

#### **Mosiik el kirel a chelechad**

Momes a komakai el tekoi el kirel a mekera do ngedecheduch er a ruungerachel a ureor er a kombalii el ngara website er tir. Komakai el tekoi el kirir a rechad el osiik er a remo oureor a uldimukl er a ulebengelel a ikel subed er a chisel a ureor

#### **Melemalt el mo mangedecheduch**

mouchais a tekoi el kirem el mo er a oungerachel er a ureor. Ngsebechem el oker el kirel sel sils el momuchel, rolet a dosiik e dolsiseb, a lechub e mouchais el kmo kau a apply el kirel a PR (Permanent Resident) Visa, el ngii a PEV, e ngar ngii a klemierar reng er kau er a ureor. A ikaikid a mues el professional e ngosukau el rullii a ungil deluuil

#### **Follow up er a application**

Chelsel a Australia, eng sebechel e diak el meknig it a rusiik a ureor el omekedong er a rechad el oungerachel a ureor ruriul ra le apply el mo er a ureor. Ngsebechem el odureklii a ungil klumech a lechub e mo makedong el oker el kirel a teletelel a application er kau.

## Mekera dosiik a komakai el contact er a ruungeachel a ureor

- Chelsel a ikel advertisement er a ureor, momes alsekum a chad el oureor el osiik er a rechad el mora ureor, a lechub eng ngklel a chad el oungerachel el olsiseb er a rechad er a
- Engdi alsekum eng di ngklel a kombalii a ngar ngii, ngsebechem el mo metik a bebil el kirir er a:
  - Website er a kombalii – momes er a 'Careers' a lechub 'About Us' el llel el locha ngar ngii a komakai el tekoi el kirel a human resource a lechub eng team er a recruiters. Ng dirrek el locha sebechem el metik er a 'Contact' el llel lobengkel a lambang er a dengua a lechub eng email address el sebechem el ousbech el oker a komakai el kirir a rechad oungerachel olsiseb er a rechad er a ureor
  - Linked – mosiik er a page er a kombalii e momes er a rechad el oureor. Momes er a human resourced, recruitment, a lechub eng tirkel olsiseb er a rechad er a ureor.

Alsekum ngdiak betik a komakai el kirel a domekedong er a ruungerachel a ureor, lak bol mechitechut a rengum. Ngdirk sebechem el apply el kirel a ureor el ousbech er a ungil el roel a sus el ngara chelsel a cover letter er kau, el ua "Alii Hiring Manager" a lechub "Mora Recruitment Team." Lak mobesi el loia ngklel a chelechad er a chelsel a babilngem el ouchais a tekoi el kirem me lolemolem a application er kau el ungil kldmokl el ngara ungil roel.

## Omesodel a techall er a ureor er a Australia

Ngar ngii a bebil er a sebeched el oumera el techall er a ureor er a Australia el sebechel ngosukau el osiik a techall e mo apply el klou a rengum. Mluches er iou a bebil er a ikel site el blechoel lousbech.

Uldasu el dousbech el mo meduch el osiik a ureor el ngara board

Sel mousbech er a board er a ureor techall er a ureor eng sebechem el mengereomel a taem meng diak mochib er a techall. A ikal ngesou er a uldasu a sebechel ngosukau el osiik a ureor el mo uchul a klou el techall el sikii a melemalt el ureor el kirem.

- Mrellii a kldmokl el profile er kau er a online mel bol sebechel mo beot er a ruungerachel a ureor el metik er kau
- Mrellii me lomeklat er kau el kirel a ureor el ngii a chatter er a duch er kau me a basio el mngar ngii
- Mousbech a meklou a belkul tekoi el kirel a duch er kau er a ureor me a uchul eke soam el mo er a ureor

- Lak di multuil er a imong el board er a techall er a ureor. Rekakerous el oungerachel a ureor a ousbech a kakerous el website
- Momes a ikel blechole el ousbech el platform, el loltobed a beches el techall er a ureor er a bek el sils
- Alsekum kau a osiik a ileakl el ureor, momes er a board er a tokubets e ileakl el bedengel a ureor (industry-specific).

### OSIIK (SEEK) ([seek.com.au](https://seek.com.au))

- Kot el klou el website er a ureor er a Australia, obengkel a list er a dertela el bedengel a ureor.
- Ngsebechem el upload er a resume er kau, mrellii me louchais er kau, e momes a ulekrael el kirel a udoud me a uldesuuir a rechad el kirel a kombalii.

### Website er a Ureor er a Australia (Indeed Australia) ([indeed.com.au](https://indeed.com.au))

- Meliuekl er a beluulechad el teletael er a techall er a ureor el obengkel a list er a Australia
- Mosiik a ureor el ngara website er a kombalii me a bebil er a techall er a ureor elm la tuobed
- Omeskid a beot el roel e kede osiik a ureor.

### Skel a Ureor er a Australia (Australian JobSearch) ([jobsearch.gov.au](https://jobsearch.gov.au))

- Ulterkokl el website er a techall er ureor er a kabelmemnt
- Mousbech el diak domechar
- Uldimukl er ngii a deruchall er a ureor el kirir a dirk mlo umuchel er a urerir el tir a diak a mui el duch me a experience er tir.

### LinkedIn ([linkedin.com](https://linkedin.com))

- Meliuekl er a beluulechad el networking site er a rebrobosong el obengkel a klou el techall er a ureor
- Ureor a loltobed a ruungerachel a ureor me a rusiik er a rechad el mo oureor
- Ngsebechem el rullii a diak el locheraol el profile er kau el oleiisech a duch ma experience er kau, e omak er kau me a ruungerachel a ureor.



## Momekedong er a PEV Employment Support Service

A PEV Employment Support Service a nga er tiang el mo:

- Olengeseu er kau el osiik a ureor
- Ngosukau el mo klou a engum sel mengedecheduch er a ruungerachel a ureor
- Beketeklii el mo er a ureor el modars me lomes el kmo ngmech a ikel meklou a belkul el tekoi el kirel a visa
- Di melemalt el mengedecheduch er a oungerachel a ureor el kirel a sils el bom momuchel el oureor, a lechub eng komakai el tekoi el kirel a kontrat
- Meskau a ngesou el mousbech el mo kldmoki el mo oureor er a chelsel a Australia.



Bo mosiik a lmuut el betok el kirel a PEV Employment Service er a [pev.gov.au](https://pev.gov.au)

Ngara website er kemam, eng sebechem el mes a lmuut el bebil er a tekoi er a ngesou, uldimukl er ngii a meklou a belkul el tekoi el kirel a ureor me a teletelel omerellel a resume. Ng dirrek el sebechem el luchesii a ngklem el mo er a Employment Information Sessions me bom suub a lmuut el betok el tekoi el kirel a skel a ureor er a Australia.

